



UNIVERSITÄTS-
BIBLIOTHEK
PADERBORN

Universitätsbibliothek Paderborn

In Genesis Enarratio

Chyträus, David

Vitebergæ

VD16 C 2625

Capvt XXVIII.

urn:nbn:de:hbz:466:1-36126

ad se non pertinere ius primogeniti, sed ad fratrem
 Esau, tamen & usurpat ius primogeniti, & benedi-
 ctionem à patre petit, nixus promissione diuina, quae
 supra cap. 25. edita est, Maior seruiet minori, ut no-
 re dicitur, Non est uolentis, neq; currentis, sed in-
 serentis Dei.

C A P V T XXVIII.

LOCI PRÆCIPVI.

- I. De Coniugio.
- II. Imago hypocritæ in Esau, qui
 externo opere simulat se pa-
 tri gratum facturum esse,
 cum ducit uxorem tertiam,
 non ex filiabus Canaan, sed
 ex posteris Abrahae.
- III. Allegoria Scala Iacob.
- IIII. Descriptio Ecclesiæ. Quid sit,
 & ubi sit.

Repetitio

V. Repetitio promissionum aeternarum & corporalium.

VI. De petitione rerum corporalium.

III. Locus.

Allegoriam Scale Iacob Christus ipse exponit Iohan. 3. his uerbis, Videbitis caelum apertum, & Angelos Dei ascendentes & descendentes super filium hominis.

Primum autem amplissima consolatio animis infigatur, quae affirmat caelum apertum esse, id est, Deum propitium esse, aditum ad Deum nobis patefactum, & irae diuinae repagula remota esse, Deum respicere inuocantes ipsum & saluare.

Deinde Scala pingit personam Christi, quae cum cumine caelum attingit, & in terra consistit, Sunt enim in Christo duae naturae uersae & unum unite, altera caelestis & diuina, altera terrena seu humana de substantia uirginis adsumpta.

TERTIO. Beneficia Christi significantur. Ut enim Scala caelum & terram coniungit, sic filius Dei Ecclesiam cum Deo coniungit, & nos auulsos à capite ac horribiliter distractos iterum adglutinat Deo, ut Ephes. 1. dicitur. Adglutinat ad unum caput omnia in Christo, quae in caelis sunt & in terra. Nulla est autem alia Scala, qua in caelum ascendi

d e cendi

cendi possit, nullus alius aditus ad Deum patet, quam per et propter Christum filium Dei, ut Ioh. 14. dicitur, Ego sum uia, ueritas & uita, Nemo uenit ad Patrem nisi per me. Ioh. 10. Ego sum ostium, per me si quis intrauerit, saluabitur &c.

QUARTO. Angeli ascendentes & descendentes in Christi corpore, significant totam Ecclesiam ac precipue Doctores seu ministros Euangelij, qui primum duce Christo ascendunt ad Deum, & querunt reconciliationem cum Deo, & ab eo Euangelij lucem, Spiritum sanctum, & alia bona accipiunt. Postea uero descendunt, & per ministerium doctrinae diuina hominibus impertiunt.

QUINTO. Petra etiam seu lapis, quem Iacob capiti supponit, non inueniunt ad Christum accommodari potest, ut Esa. 28. & 1. Pet. 2. dicitur. Pono in Sion lapidem angularem, electum, preciosum, Qui crediderit in eum, non frustrabitur. Matth. 16. Super hanc Petram aedificabo Ecclesiam meam. 1. Corint. 3. Fundamentum aliud nemo ponat praeter id quod positum est, quod est CHRISTVS IESVS S. Psalm. 117. Lapis quem reprobauerunt aedificantes, hic factus est in caput anguli.

Vt autem Iacob in lapide dormiens diuina consolatione confirmatur, ita nos fide in Christo adhaerentes pacem habebimus erga DEVM, & in omnibus aeternis gloriabimur in spe gloriae Dei. Rom. 5.

V.

DESCRPTIO
Ecclesie.

Grauisima descriptio Ecclesie huic Capiti in
serta est, uidelicet, Quod sit domus Dei &
porta cœli, hoc est, cœtus hominum,
in quo sonat uox Dei de Christo, &
Angeli ascendunt & descendunt in Sca
la iacob, id est, ministri Euangelium de
Christo recte docent, & in quo Deus
habitat, & portam ad regnum cœlo-
rum patefacit,

Sic describit Ecclesiam Paulus 1. Tim. 3. Ecclesia
est domus Dei, columna & sedes ueritatis, id est, ue-
re doctrine de Deo. Vbicunq; igitur est uera do-
ctrina de Deo, ibi est Ecclesia Dei. Item Ephes. 2.
Estis conciuēs sanctorum, & domestici Dei extructi
super fundamentum Prophetarum & Apostolorum
(id est, super doctrinam traditam per Prophetas &
Apostolos) exstente lapide angulari Iesu Christo, in
quo omne edificium coagmentatum crescit in Tem-
plum sanctum per Dominum, in quo & uos coedifi-
camini in habitaculum Dei, per Spiritum sanctum.
Et Christus inquit Ioh. 14. Si quis diligit me, sermo-
nem meum seruabit, & Pater meus diliget eum, &

d s uenie-

ueniemus ad eum, & mansionem apud eum facimus. Tota diuinitas habitat in ijs qui doctrinam Christi amplectuntur & custodiunt. Item Mattheus. Vbicunq; duo uel tres congregati sunt in nomine meo, in medio eorum sunt.

VI.

DE BONIS
Corporalibus.

Paulò ante audiuimus, Bona corporalia esse petenda suo ordine, uidelicet, ut anteferatur Deo & cedatur de bonis corporalibus, seu de mercede, si ita postulet Deus,

Phrasis autem hic in uoto iacob considerata est, Si fuerit Dominus mecum, & dederit mihi uiam ad uescendum: erit mihi Dominus in Deum. Nam Conditionalis particula addita, non significat finem uel mercedem, sed possibilitatem & modum & hanc uim habet. Si Deus uitam mihi prouiderit & defendet, tunc congregabo in hoc loco Ecclesiam ad sacrificium & concionem, sicut dicitur, Mortui laudabunt te Domine. Sin uero non dederit mihi panem & c. paratus sum ad ferendam uiam, exilia, & alias difficultates. Sicut David. 1. Regum. 15. inquit, Si inuenero gratiam in oculis Domini, reducet me, Sin autem dixerit mihi, Non preesto sum, faciat quod bonum uidetur ipsi.

Disputant etiam in hoc loco, De Votis, quorum alia sunt ciuilia, ut pacta, & promissa confirmata iure iurando & sigillis. Alia religiosa, Et hæc uel sunt præcepta & necessaria, ut Psalm. 49. Immola Deo sacrificium laudis, & redde altissimo uota tua scilicet, quæ in primo Præcepto uouisti. Psalm. 115. Vota mea Domino reddam. Vel sunt prohibita, ut Monastica & alia impia. Vel Adiaphora, de quibus Regula Matth. 15. in conspectu sit, Frustra me colunt mandatis hominum.

CAPVT XXIX, & XXX.

LOCI PRÆCIPVI.

- I. De officys Oeconomicis et Coniugalibus.
- II. Exemplum πλεονεξίας in Laban, qui sui priuati commodi causa, Iacobum amanter complectitur.
- III. De peccatis et lapsib. sanctorū.
- IIII. Non omnia exempla Patrum imitanda esse. De